



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1563 usque ad annum 1566

Fleury, Claude

August. Vind. [u.a.], 1772

VD18 90118626

§. 117. Variæ Constitutiones a Pio IV. editæ.

[urn:nbn:de:hbz:466:1-67192](https://nbn-resolving.org/urn:nbn:de:hbz:466:1-67192)

Sæcul. XVI
A.C. 1564.

de perversis ejusmodi consiliis suspicandi spatium indulserunt, tandemque ipsimet sceleris sui victima cesserunt: diffensione enim inter eos exorta conjuratio fuit detecta, adeo, ut noctu, cum quidam suos complices manifestaret, una omnes comprehenderentur, qui tormentis licet subjecti, crimen tamen suum diffitebantur: solus autem Accolitus risu inter tormenta simulato se ad hoc facinus a quodam Angelo fuisse excitatum agebat: equidem tantum delirium miserationis sensu excipiebatur, verum criminis atrocitas debitas deposcebat pœnas, unde pronuntiata in eum mortis sententia cum ceteris complicibus extremo supplicio afficiebatur.

§. CXVII.

Varie Constitutiones a Pio IV. editæ.

Bulla Pii IV.
Const. 94. &
96. & 103.

Die decima septima Februarii Pontifex Constitutionem edidit, qua omnes exemptiones, privilegia, immunitates, indulta, cunctaque in Bulla, quæ *Mare Magnum* appellatur, contenta, & cujuscunque generis Ecclesiis, monasteriis, Nolocomiis, Universitatibus, Sodalitatibus, vel Ecclesiasticis tam regularibus, quam sæcularibus, imo etiam laicis cujuscunque gradus, conditionis,

nis, aut dignitatis concessa revocantur, Sæcul. XVI.
A.C. 1565.
 in quantum ea quovis pacto Synodi decretis adversantur: cum vero sæpe contingeret, quod Sedis Apostolicæ Nuntii illorum, ad quos ablegantur, Principum favores eo sine sibi conciliarent, ut ad Prælaturas, vel Cardinalatum eveherentur, hinc Pontifex quovis modo ejusmodi dignitates aucupari prohibuit, indicta anathematis pœna, beneficiorum privatione, imo etiam perpetuæ infamiæ nota: insuper plures confirmabat declarationes, quæ pro restauranda Ordinis Fratrum Minorum Conventualium disciplina in comitiis Florentinis factæ sunt. Denique plura alia, quæ profanum Romanæ urbis regimen respiciunt, fanciebat.

§. CXVIII.

Immoderatum Pontificis studium in amplianda sua familia.

Pontifex hoc suum restaurandæ disciplinæ studium, ejusque splendorem nimio in extollenda sua familia conatu obfuscare videbatur; postquam enim Fridericus Borromæus sororis suæ Filius anno a partu Virginis millesimo quingentesimo sexagesimo tertio in ætatis suæ flore absque liberis decesserat, & Borromæus Cardinalis ejusdem Friderici Frater ad suam Diocesisin